

13 -01- 2021

Sarajevo,

Broj: 01-11-3-2243

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-1330 od 08.01.2021. godine, Generalna direktorica donosi:

### ODLUKU

o poništenju postupka javne nabavke

#### I

**Prihvata se prijedlog Komisije za nabavku respiratora za ventilaciju odraslih i djece (9 kom) za potrebe KCUS-a**, po Izvještaju br. 10-33-4-1330 od 08.01.2021. godine, a nakon provedenog otvorenog postupka sa međunarodnim učešćem objavljenog na portalu e-nabavke pod brojem obavještenja 893-1-1-792-3-500/20 od 20.11.2020.godine, i **postupak poništava u skladu sa čl. tačka 2)d) ZJN (Sl.Glasnik BiH 39/14), jer nijedna od primljenih ponuda nije prihvatljiva.**

#### II

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a putem web stranice Kantona Sarajevo .

### OBRAZLOŽENJE

U skladu sa Odlukom Generalne direktorice KCUS-a broj: 01-04-4-53785 od 19.11.2020.godine , pokrenut je postupak javne nabavke za nabavku respiratora za ventilaciju odraslih i djece (9 kom) za potrebe KCUS-a. Procijenjena vrijednost nabavke je 540.000,00 KM bez PDV-a. Nabavka je planirana Izmjenom i dopunom Plana javnih nabavki za 2020.godinu: kategorija „investicije robe“ redni br. 62, (Odluka o usvajanju Izmjena i dopuna Plana javnih nabavki Kliničkog centra Univerziteta u Sarajevu za 2020 godinu, br.637/20, broj protokola 04-2-52505/20). Za predmetnu nabavku namjenska sredstva su obezbjeđena od strane Federalnog Ministarstva zdravstva.

Klinički centar Univerziteta u Sarajevu je na portalu E-nabavke dana 20.11.2020.godine objavio Obavještenje o nabavci broj: 893-1-1-792-3-500/20, zajedno sa Tenderskom dokumentacijom.

Tendersku dokumentaciju sa portala e-nabavke preuzelo je 22 (dvadeset i dva) potencijalna ponuđača, a do krajnjeg roka određenog za prijem ponuda, dana 05.01.2021. godine do 10,30 sati, dostavljene su 2 (dvije) ponude ponuđača:

1. PROMA d.o.o. Sarajevo sa ukupnom cijenom ponude 538.200,00 KM bez PDV-a
2. HERCEGOVINALIJEK d.o.o.Mostar sa ukupnom cijenom ponude 535.500,00 KM bez PDV-a

Komisija imenovana Odlukom broj: 01-04-4-61114 od 30.12.2020.godine je izvršila uvid i provjeru svakog dostavljenog dokumenta i konstatovala sljedeće:

**1. Ponuda ponuđača PROMA d.o.o. Sarajevo ne ispunjava formalno pravno i tehnički uslove tražene Tehničkom specifikacijom za sljedeće:**

**-Izjavu/Informaciju o dostupnosti servisa i validnu dokumentaciju** kojom se dokazuje da je ponuđač ekskluzivni/autorizovani zastupnik proizvođača na teritoriji BiH ili distributer proizvođača predmetne opreme ili je u poslovnim odnosima sa proizvođačem ili sa ekskluzivnim/autorizovanim zastupnikom na teritoriji BiH, **nije dostavio u originalnoj ponudi**, nego u primjeru kopije ponuda, što znači da originalna i kopije ponuda nisu iste, a u skladu sa tenderskim zahtjevom 3.2 “u slučaju razlika između originala i kopija ponude vjerodostojan je original ponude” .

**-Pojedinačni certifikat/i serviser (najmanje jedan)** kojim ponuđač raspolaže, a kojim se dokazuje da su serviser/i osposobljen/i za održavanje ponuđene opreme, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Izjavu i sl.) **nije dostavio u originalnoj ponudi**, nego u primjeru kopije ponuda, što znači da originalna i kopije ponuda nisu iste, a u skladu sa tenderskim zahtjevom 3.2 "u slučaju razlika između originala i kopija ponude vjerodostojan je original ponude".

- tačkom 6. traženo Ekran veličine minimum 17 inča, u boji, osjetljiv na dodir koji može prikazati 4 krivulje istovremeno- ponuđen ekran veličine 12 inča
- tačkom 15. traženo Kolor ekran osjetljiv na dodir za prikaz ventilacionih krivih i parametara ventilacije minimalne veličine 17 inča – ponuđen ekran veličine 12 inča
- tačkom 16. traženo Ventilator ima softver na jednom od jezika koji se koriste u BiH ponuđen software na engleskom uz korisničko uputstvo na BH jeziku.
- tačkom 21.4. traženo Vrijeme inspirijuma 0,1 do 10 sekundi – ponuđeno 0,1 do 5 sekundi

**Iz navedenih razloga ponuda ponuđača PROMA d.o.o. nije prihvatljiva i ne učestvuje u daljem toku postupka nabavke.**

**2. Ponuda ponuđača HERCEGOVINALIJEK d.o.o. Mostar je formalno pravno i tehnički neprihvatljiva jer ne ispunjava uslove iz sljedećih razloga:**


- Uvidom u dostavljenu dokumentaciju Komisija je konstatovala da dostavljena Autorizacija proizvođača DRÄGER nije validna jer je važeća do 31.12.2020.godine.
- Ponuđač u svojoj ponudi nije naveo tip i model respiratora koji nudi niti na obrascu Aneksa 2, niti u Aneksu 4- Prijedlog ugovora koji je samo djelimično popunjen (tenderski zahtjev iz tačke 3.1./d), tako da Komisija ne može konstatovati na koji tip aparata se ponuda odnosi, iz čega se zaključuje da dostavljena kataloška dokumentacija može, a i ne mora biti dokaz da ponuđena oprema ispunjava tehničke zahtjeve.

**Iz navedenih razloga ponuda ponuđača HERCEGOVINALIJEK d.o.o. Mostar nije prihvatljiva i ne učestvuje u daljem toku postupka nabavke.**

**Zapisnikom o pregledu i ocjeni ponuda br. 10-33-4-616-1/07.01.2021. godine Komisija je konstatovala da ni jedna od dostavljenih ponuda ne ispunjava uslove kvalifikacije i da se postupak nabavke poništava, odnosno okončava u skladu sa Čl.69. stav 2)d) jer nijedna od primljenih ponuda nije prihvatljiva.**

Obzirom da nije dostavljena ni jedna prihvatljiva ponuda, Komisija za javnu nabavku je Izvještajem br. 10-33-4-1330 od 08.01.2021. godine predložila da se postupak nabavke **poništi** u skladu sa čl .69/(2)/d) ZJN.

Uzimajući u obzir naprijed navedno, prijedlog Komisije je prihvaćen i donosi se odluka kao u dispozitivu.



**POUKA O PRAVNOM LIJEKU:** Protiv ove Odluke može se izjaviti žalba najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:  
- Ponuđačima;  
- Tehnički sektor  
- a/a KCUS